



ЛЕЗГИ ГАЗЕТ

**Жуван Ватан, ватанэгълияр,
дидед ч'ал хуьх!**

Дербентдин кадетрин корпус, ана клъзавайбурун чирвилерал, марифатдал, спортдал машгул хуьнал гьалтайла, Кеферпатан Кавказда лап хъсанбурукай сад яз гьисабзава. Анаг аькалтарзавай жегилри Россиядин армиядин жергейра лайихлувилелди къуллугъзава, военный академияра ва училищейра клелун давамарзава.



Иниз к'валахдин тежриба чирун патал маса школайрай-интернатрайни мугьманар къвезва. Мукьвара Ингушетиядай, Кабардино-Балкариядай ва Каспийскдай кадетрин мектебрин са жерге руководителар мугьман хъана. Кадетрин корпусдин директор Максим Эминов киле аваз коллективди мугьманар хушвилелди къабулна. К'венк'вечи корпусдин к'валахди галаз таниш хъайдалай гугъуьниз мугьманри "Нарын-къеле" цитаделдиз, "I Петрдин к'вал-музейдиз", къадим шегьердин тарихдин маса чкайриз сейр авуна.

1920 – йисалай аькъатзава

N 21 (10770) хемис 25 – май, 2017 – йис WWW.LEZGIGAZET.RU

Къимет "Дагпечатдин" киоскрай - 16 манат

Ст'ал Сулейманан шииратдин йикъар Эбеди ядигар



Ст'ал Сулейман дидедиз хъайдалай инихъ 148 йис алатнава

Меьгамед ИБРАГЪИМОВ

18-майди Дагларин уьлкведин медениятдин тарихда лишанлу вакъиа кьиле фена: Сулейман-Стальский райондин Агъа Ст'алрин хуьре, Ст'ал Сулейманан шииратдин йикъарин сергъятра аваз, XX асирдин Гомеран цийиз эхцигнавай музей ачухна.

Шадвилдин мярекатар Сулейман-Стальский райондин руководстводи ч'ехи шаирдиз Къасумхуьруьн центрада хъажнавай гуьмбетдал цуьквер эцигунилай гатлунна. Гуьгъуьнлай мярекатдин иштиракчияр Цийи Мамрачрин къекъуьнда Ст'ал Сулейманаз эцигнавай мемориалдал фена. Анални цуьквер эцигайдалай къулухъ вири Агъа Ст'алдал рекъе гъат хъуьна.

Сятдин 12-даз ина шаирдин цийиз арадал хъанвай музей ачухунихъ галаз алакълу шадвилдин митинг кьиле фена. Шииратдин суварик хтанвай мугьманрин арада РД-дин Кьил Рамазан Абдулатипован уьмуьрдин юлдаш Инна Калинина, РФ-дин Федерациядин Советда Дагъустандин патай ве-

кил-сенатор Сулейман Керимован уьмуьрдин юлдаш, мергъяматлувилин "Территория Добра" ("Хъсанвал авунин майдан") фондунин реьгбер Фируза Керимова, Кьиблепатан Дагъустанда РД-дин Кьилин патай тамам ихтиярар ганвай Векил Энрик Муслимов, РД-дин Халкъдин Собранидин депутат Гъамидуллагъ Меьгамедов, Дагъустандин культурадин, печатдин ва информациядин, милли политикадин рекъяй министрар - Зарема Бутаева, Рашид Акавов, Татьяна Гамалей, РД-дин культурадин ирсинин объектар хуьнин рекъяй Агентстводин реьгбер Заур Къаьриманов, Дагъустандин писателрин Союздин председатель Меьгамед Агъмедов, Ахъегъ, Меьгарамдхуьруьн, Къурагъ районрин кьилер, "Лезги газетдин", Лезгийрин Ст'ал Сулейманан т'варунихъ галай госмуздравтеатрдин, общественный ва яратмишдай интеллигенциядин векилар, милли эдебиятдал рик' алай хейлин маса ксар авай.

Митинг Сулейман-Стальский райондин кьил Нариман Шамсудиновича ачухна. Ада музей арадал хъуник лайихлу пай кутур мергъяматлувилин "Территория Добра"

► 4

Къуллугъзава Ватандиз Цаварин кард - хайи чилел

**Нариман ИБРАГЪИМОВ,
Къаьриман ИБРАГЪИМОВ**

Ни вуч лагъайт'ани, чна жуван халкъдал, лезги халкъдин векил хуьнал дамазава. Гьик' хь, чи халкъди вичин арадай машгуьр полководецар, шаирар, алимар, арифдарар, уст'арар... майдандиз акъудна ва акъудзава. И мукьвара чи халкъдик руьгъ кутадай дережадив мад са ватанэгъли агакъна. Ери-бине Къурагъ райондин Штулрин хуьряй тир **ГЪАЖИЕВ Тагъир Минетулаговичаз** - Краснодарский крайдин Крымскдин гъвадин космический къуватрин дивизиядин командирдиз Россиядин Федерациядин Президент Владимир Путинан Указдалди ва РФ-дин оборонадин министр Сергей Шойгудин Приказдалди генерал-майорвилдин чин гана. Алай йисан

Багъа мугьманрин арада авай: Дагъустан Республикадин Гъукуматдин Председателдин заместитель, генерал-майор Рамазан Жафаров, РД-дин Халкъдин Собранидин Председателдин заместитель, КПРФ-дин Дагъустандин рескомдин 1-секретарь Магъмуд Магъмудов, Кьиблепатан территориальный округда РД-дин Кьилин патай тамам ихтиярар ганвай Векил Энрик Муслимов, РД-дин Халкъдин Собранидин налогрин, бюджетдин рекъяй комитетдин председатель Сейфулагъ Исаков, Халкъдин Собранидин депутат Ферзилагъ Исламов, Дербент шегьердин ва райондин, Сулейман-Стальский, Меьгарамдхуьруьн районрин муниципалитетрин кьилер Малик Баглиев, Меьгамед Жалилов, Нариман Абдулмуталибов, Фарид Агъмедов, Дербент шегьердин, райондин ва Дагъустандин Огнидин военком Адил Къулиев, Къурагъ



20-майди Белиж поселекдин межлисрин "Москва" залда цийи генерал тебрикуниз, адахъ галаз таниш хуьниз талукъарнавай еке мярекат кьиле фена. Агъзур кас гъакъзавай дарамат сиве-сивди инсанрив ацунни ватанэгъли къаршиламышай теьгердикай лугъуьзава.

Сифте нубатда къейд ийиз кланзава хь, Тагъир Минетулаговича вири багърияр, хуьруьнвияр, ярар-дустар, санал клелайбур, къуллугъайбур, республикадин гъукуматдин органрин, шегьеррин, районрин администрацийрин, "Лезги газетдин" векилар, дараматдин велик акъвазна къаршиламышна.

райондин администрациядин кьилин заместитель Жаврудин Халиков, эцигунардай "Югстрой" ОАО-дин генеральный директор Гъажи Жабраиллов, Дербент шегьердин агъсакъларин Советдин председатель Нариман Рамазанов...

Шад мярекат "Штул" ансамблдин (адан руководитель Гъажи Гъажиев генерал-майордин хайи стха я) хуш авазрик кваз Дагъустандин ветеранрин Советдин председатель, полковник Магъарам Алижанова лап вини дережада аваз кьиле тухвана.

► 3



ОБЩЕСТВО

З.Бутаевади Ст'ал Сулейманан хъ яратмишунрин зурба ирс авайди, чун адав къадирлувилелди эгечна кланзавайди, вири Дагъустандин халкъдиз баркаллувал багъишай ч'ехи шаирдин музей са куьруь вахтунда арадал хъун милли лайихлувал тирди къейдна.

► 4



СПОРТ

Фестиваль ачухуниз талукъарнавай шад мярекатдал рахай Дагъустандин Кьил Р.Абдулатипова Дагъустанда спорт, иллаки волейбол гъаф хушди, алай вахтни республикада спортдин и жуьре патал виридалайни хъсанди тирди.

► 12



Съездиз республикадин шегьеррайни районрай 510 делегат атанвай

Дишегълийрин съезд

Земфира БАБАЕВА

23-майди республикадин меркезда, Урусин драмтеатрда “Дагъустандин дишегълийрин Союз” общественный организациядин съезд киле фена. Алай йисуз и тешкилатдин 25 йис тамам жезва. И мярекатда РД-дин Гьукуматдин Председателдин Сад лагъай заместитель Анатолий Къарибова, РД-дин Халкъдин Собранидин образованидин, илимдин, культурадин рекъий комитетдин председателдин заместитель Людмила Авшалумовади, хизан, дидедал ва аялрин ихтиярар хуьнин рекъий РД-дин Къилин патав гвай уполномоченный Марина Ежовади, РД-дин милли политикадин рекъий министр Татьяна Гамалея, культурадин министр Зарема Бутаевади, “Дагъустандин дишегълийрин Союз” общественный организациядин къилин везифаяр тамамарзавай Интизар Мамутаевади, СМИ-рин векилри иштиракна.

Съезд, 23 йисуз Дагъустандин дишегълийрин Союздиз регъбервал гайи РД-дин халкъдин шаир рагъметлу Фазу Алиевадин экъу къамат рикел хун яз, са декъикада кисна аквазунилай башламыш хъана. Съезд ачухай Л.Авшалумовади сифте гаф А.Къарибоваз гана. Ада Дагъустандин дишегълийриз и вакъиа тебрикна ва республикадин



Шкилар ягъайди - Гь. ИСАЕВА

уьмуьрда и тешкилатди къугъазвай ролдикай лагъана. Ада къейд авурвал, Союзди тухузвай къвалахди дишегълийрин къисметра еке дегъишвилер арадал гъана, абурукай итирихъ галаз барабар тамам вири ихтиярар авай уьлкъедин граждандар хъанва. Гаф йисара дагъви дишегълийри итирихъ галаз санал республикадин общественный уьмуьрдин вири хилера иштиракна, халкъдин патай еке гъуьрмет къазанмишнава.

А.Къарибован гафаралди, алай аямдин дагъви дишегълийри хизан арадал гъунихъ,

аялар тербияламунихъ галаз санал, жуьреба-жуьре пешекарар яз, чехи къуллугърални къвалахзава. Республикадин Къили гьукумдин вири къурулушра дишегълийри къвалахуниз еке фикир гузва. Вучиз лагъайтла дишегъли авай гъар са чкада къайда, жавабдарвал ава. Республикадин милли культура, политика, экономика вилик тухуник абуру виле аквадай хътин пай кутазава. Н.Къарибова алай вахтунда 7 дишегъли РД-дин Халкъдин Собранидин депутатар, пуд кас министрар, 17 дишегъли шегьеринни районрин администрациядин къилерин заместителар, хейлинбур фирмайрин регъберар тирди къейдна.

И.Мамутаевади дишегъли сифтенисифте диде ва гъар са касдин уьмуьрда сад лагъай инсан тирди къейдна. “Дишегълийрин хиве еке жавабдарвал ава, гьик лагъайтла, абуру чпин веледриз гузвай тербиядилай сифте абурун чпин, ахпани вири уьлкъедин къисмет аслу жезва”, - лагъана ада. Ада гьик бизнесдал машгъл дишегъ-

лийрин Совет, республикадин образованидин идарайра рушарин советар тешкилнавайди ва абурун махсад яшайишдин шартлар хъсанарун, жегъилар инсанпересвилелди тербияламуниун дережа жкажун, адетар, культура хуьн, сагълам уьмуьр кечирмишун тирди къейдна.

Гъуьунлай съезддал муниципалитетрин дишегълийрин советрин председателар алай аямдин обществода дишегълийри киле тухузвай важиблу крайкай рарахана.

Къулайвилерин къайгъуда

Мукъвара РД-дин хуьруьн майишатдин ва суьрсетдин министр Мусафенди Велимурадов, Мегъарамдхуьруьн райондин къил Фарид Агъмедов райадминистрациядин жавабдар маса къуллугъчиарни галаз аялрин сагъламвал мягъкемардай “Приморский” лагер гатун ял ядай вахтуниз гъазур хуьнин гъалар ахтармишиз чкадал фена. Абуру лагердин ксудай чкаяр авай къвалериз, столовойди, медпунктуниз ва маса объектриз килигна.

Министрди ина аялриз тлуьн гуьнин, михивал хуьнин, духтуринни муаллимрин коллективар гъазурунин ва а чкаяр герек махсус тадаракралди таъминарунин меслапириз иллаки еке фикир гана. Цаяр

къуникай хатасуз авунин жигъетдай авай гъаларни ахтармишна. И месэла райондин къилин къаюмвилик ква ва цаяр къур дуьшуьшра гъасятда хабар гудай махсус тадарак эцигнава. Ф.Агъмедова къейдайвал, “Стрелец-мониторинг” лугъудай и къурулуш райондин вад школадани эцигнава.

“Приморский” лагердин директор Ибрагъим Мегъамедова къейдайвал, июндин юкъвара ина 150-200 аял къабулиз жедайвал, исятда къвалах худда киле тухузва.

Ахпа делегация Билбилхуьре кардик квай теплицайрин комплексдиз фена. 2 гектар чилел ина карчи Гъашим Шамсудинова помидорарни афнирар гъасилзава.

Мегъарамдхуьруьн райондин администрациядин пресс-къуллугъ

Садвал мягъкемарзава

Гъазурайди - Земфира БАБАЕВА

Мегъарамдхуьруьн райондин администрациядин пресс-къуллугъди хабар гайивал, алаатай гъафтеда райондин къил Фарид Агъмедован регъбервилик кваз халкъарин арада садвал мягъкемаруниз талукъарнавай совещание киле фена. Ана администрациядин жавабдар работникри, идарайрин руководителри, къенепатан краин органрин къуллугъчийри, хуьрерин администрациядин къилери иштиракна.

Совещание Фарид Агъмедован Дагъустандин госуниверситетдин патай “Чухсагъулдин чар” вахунилай башламыш хъана. Мегъарамдхуьруьн райондин школьникри “ДГУ-дин абитуриент - 2017” лишандик кваз киле феий Кеферпатан Кавказдин олимпиадада активнидаказ иш-

Районда халкъарин арада садвал мягъкемарун патал киле тухузвай къвалахди-кай общественный хатасузвал хуьнин рекъий райондин къилин заместитель Зайнуддин Азимова доклад авуна. Ада къейд авурвал, гъар гъафтеда районда халкъарин садвиллиз, диндин алакъайриз, хатасузвал хуьниз, жегъилар экстремистринни террористрин жергейриз желб авунин вилик пад къуниз талукъарнавай мониторинг киле тухузва. И рекъерай районда аквайтзавай несилдихъ галаз тайин тир къвалах тухузва, конкурсар, ачух тарсар, концертар тешкилзава.

Профилактикадин бязи серенжемар райондин къенепатан краин органри администрациядихъ галаз сих алакъа аваз киле тухузва. Къецепатан уьлкъвейрин граждандри къвалахзавай объектар вахт-вахтунда ахтармишнава.



Ф.Агъмедован ДГУ-дин патай “Чухсагъулдин чар” вахкана

тиракна. Адан къилин махсад бажарагълу аялрин алакъунар еримлу авуникай, гележегдин пеше хкъягъунин, илимдин чирвилер жкажунин карда кумек гуникай ибарат тир. “Чухсагъулдин чарчиз” райондин УО-дин начальник Улубег Абейдуллаевнин лайихлу хъана.

Фарид Агъмедова образованидин идарайрин руководителриз агъалийрин арада садвал мягъкемаруниз, дингълийрин арада меслятвал хуьниз, жегъилар ва жаванар хаталу крайкай хуьниз талукъ серенжемар артухарна кланзавайдакай лагъана.

Алакъунри гъейранарна

Мегъарамдхуьруьн райондин администрациядин пресс-къуллугъди хабар гайивал, мукъвара хизан, дидедал ва аялрин ихтиярар хуьнин рекъий РД-дин Къилин къвалав гвай уполномоченный Марина Ежова, Махачкъаладин администрациядин жегъилрин политикадин отделдин начальник Диана Агъмедова ва жегъилрин краин, спортдинни туризмдин рекъий комитетдин председателдин заместитель Карина Имранова Мегъарамдхуьруьн райондиз атана. Абуру “Зун ва зи дустар” ли-

администрациядин къилин заместитель Гъабибулагъ Мурадалиевахъ галаз Мегъарамдхуьруьн махсус школа-интернатдиз фена, аялрихъ ва коллективдихъ галаз таниш хъана. М.Ежовади начагъ аялрин яшайишдин шартлариз, абуру тербияламуниун къайдайриз фикир гана, абуру ксузвай къвалер, столовой, библиотека ахтармишна.

“Зун ва зи дустар” лишандик кваз киле феий фестиваль сагъламсуз, набут аялар ва жаванар патал важиблуди тир. И мярекатди виндихъ твар къунвай хътин



Мегъарамдхуьруьн района сагъламсуз аялрин фестиваль киле фена

шандик кваз сагъламсуз аялринни жаванарин арада киле тухвай яратмишунрин фестивалдин лап хъсанбур хкъяди турда иштиракна. Гъа са вахтунда мугъманар Мегъарамдхуьруьн райондин къил Фарид Агъмедовахъ галаз гуьруьшмиш хъана ва

аялрихъ авай бажарагъ ачухуниз, абуру чпин алакъунрихъ агъуниз кумек, чеб тек туширди гиссдай мумкинвал гузва. Лагъана кланда хъи, атанвайбур Мегъарамдхуьруьн махсус школадан аялрин алакъунри гъейранарна.

Цийи гъалибвилерихъ - виликди!..

ВОЛЕЙБОЛДИН ФЕСТИВАЛЬ

Рагнеда РАМАЛДАНОВА

Чна виликамаз хабар гайивал, ала-тай гъафтедин ял ядай йикъара Махачкъалада РДЮСШ-дин спортдин майданрал "Республикадин волейболдин югъ" фестивал киле тухвана. Меркездин школайра келзавай аялрикой, студентрикой, министерствойринни ведомствойрин къуллугъчийрикой, волейболдин ветеранрикой и барат тир 100-лай виниз командайрик квай волейболистри чпин устадвал къалурна. Фестивалдин макъсад Дагъустанда спортдин и жуьре мадни машгурун, адан сергъятар гегеншарун тир.



команда уьлкведин вузрин арада виридалайни хъсанди лагъай тварциз лайихлу хъана), Дагъус-



Фестивалдиз атанвай багъа мугъманрин арада дуьньядин волейболда чпин гел тунвай ксар - Олимпиададин къугъунрин чемпион тир Александр Савин ва Вячеслав Зайцев, волейболдин ветеран, машгуур художник ва сиягъатчи Вячеслав Егоровни авай. Фестиваль ачухуниз талукъарнавай шад мярекатдал рахай Дагъустандин Кьил РАбдулатипова Дагъустанда спорт, иллаки волейбол гзаф хушди, алай вахтни республикада спортдин и жуьре патал виридалайни хъсанди тирди, пешекар командайла са куьруь девирда уьлкведин виридалайни хъсан 24 командадин жергеда чка къаз алакьнавайди кьейдна. Ада гъакни ДГТУ-дин командади (мукъвара и

тандин волейболдин ветеранрин командади уьлкведин чемпионатра ва кубокар патал акъажуна гъалибвилер къазанмишзавайди рикел хкана.

Мярекатдал волейболдай хейлин йисара СССР-дин хкянавай командадин капитан хъайи Вячеслав Зайцева спортдин сувар тешкилунай Дагъустандин Къилиз, РД-дин волейболдин федерациядиз чухсагъул малумарна, дагъустанви волейболистри тварцихъни хуш келимаяр лагъана.

Гуьгуьнлай шад мярекатдал РДЮСШ-дин директор Александр Маркаровав, ветеранрин арада волейболдай Дагъустандин хкянавай командадин капитан Газияв Асхабовав ва Къизилжуртдин волейбол-

дин федерациядин президент Темирхан Темирхановав "Физкультурадин ва спортдин хиле лайихлувилерай" медалар вахкана. ДГУ-дин ректор Муртузали Рабаданов, университетдин команда - вузрин арада волейболдай Россиядин чемпионат (идалди Европададин чемпионатда иштиракдай мумкинвал къазанмишна) ва адан тренер Мегъамед Гаирбегов РД-дин Къилин тварциз сятар гуналди кьейдна.

Фестиваль ачухунин шад мярекатдал "Дагъустан" волейболдин командадин цийи килин тренердихъ - алаатай йисуз жегъилрин арада Европададин ва дуьньядин чемпион Юрий Филипповахъ галаз танишарна.

Фестиваль дуствилин къугъуналди ачухна, ам 1:1 гъисабдалди акъалтна. Акъажунар Олимпийский къайдада ("кумукъайди хкатиз") давам хъхъана.

Къейд авун лазим я хъи, икъван чъавалди и жуьреда фестивал дуьньяда санани тухванав: фестивалдин иштиракчийри са гъилди 32 майдандал чпин алакьунар къалурна, идалди дагъустанвийри цийи рекорд эцигна. Икъван чъавалди бразилвийрихъ санлай 27 майдандал къугъунин рекорд авай.

Волейболдин фестивалда гъалиб хъайи вирибуруз кубокар, медалар ва грамотаяр гана, къилдикъилди гъар са командадиз РД-дин волейболдин федерациядин патай тупарни пишкешна.

Рикел хкана

АЗАДКАЗ КЪУРШАХАР КЪУН

Цуьквер РАМАЗАНОВА

Къурагъ райондин сайтда хабар ганвайвал, алай йисан 20-майдиз Къепиррин хуьре аздаказ къуршахар къунай жаванрин арада къвенквечивал къазанмишун патал, спортсмен, жавабдар къуллугърални хъайи Фикрет Асланован экуь къамат рикел хкуниз талукъарна, республикадин дережада аваз акъажунар киле фена. Ана Къиблепатан территориальный округдик акатзавай районрай, гъакни республикадин шегъеррай тир 16 командадик кваз 275 спортсменди залавилдин 11 категориядай чпин устадвал ва алакьунар къалурна.



Турнирдин килин тешкилатчи спонсор, Ф.Асланован хтул, алай вахтунда Москвада яшамиш жезвай Огтай Асланов, тешкилиз куьмекар гайибурни "Къурагъ район" МО-дин физический культурадин, спортдин ва жегъилрин крарин рекъай отдел, Аслановрин озан ва масабур тир. Турнир вини дережада аваз тешкилул патал Огтай Асланова лазим вири тадаракар маса къачунвай, судьявал авун патал къуршахар къунин жуьредай международный категориядин судья Муьмин Гъаниев киле аваз судьяйрин коллегиядиз эвер ганвай. Турнирдин багъа мугъманрин арада Олимпиададин чемпион, РД-дин физический культурадин ва спортдин министрдин заместитель Гъ.Гъайдарбегов, аздаказ къуршахар къунай дуьньядин чемпион Къ.Къурамегъамедов, чи машгуур спортсменар Эльдар Гъасанов, Даурен Куругълиев, Альберт Селимов, Велимурад Алхасов, Рагъим Алиев, Замира Рагъманова ва гзаф масабур авай.

Акъажунар ачухуниз талукъарнавай шад мярекатдал рахай "Къурагъ район" МО-дин кил Замир Азизова, Фикрет Асланован хва Эльмар Асланова, стха Аскер Асланова ва масабур Фикрет Асланован уьмуьрдин ва зегъметдин рекъикай, спортда хъайи агалкунрикой суьгъбетна. Яргъалди ва итижлудаказ киле феи бягъсерин нетижайриз тамашна, гъалиб хъайи спортсменар тайнарна. Къвенквечи чкаяр къур вирибуруз медалар, гуьрметдин грамотаяр, пулдин пишкешар гана. Къейд авун лазим я хъи, мукъвара Европададин чемпионвилдин тварар къазанмишай Д.Куругълиеваз ва М.Зингароваз турнирдин килин спонсор Огтай Асланован патай пулдин пишкешар гана.

Турнирдин фонд 2 миллион манатдилайни виниз тир.

Европададин чемпион

ГРЕПЛИНГ

Куругъли ФЕРЗАЛИЕВ



Мукъвара Сербиядин Нови Сад шегъерда греплингдин "GI" жуьредай киле феи Европададин чемпионатда Докъузпара райондин Усугъчай хуьррай тир **Абдуьра САДИРОВА** 86 кг-дал къван залавал авай спортсменрин арада къизилдин медаль къачуна. Европададин чемпионвилдин твар къачур финалдин бягъс чи ватангълиди россияви Арсений Султановахъ галаз киле тухвана.

А.Садиров 1993-йисуз Усугъчайдал дидедиз хъана. Гъвечи чъавалай аздаказ къуршахар къунин жуьредал машгуул хъана. Инлай виликни ада аздаказ къуршахар къунай ва гъреплингдай уьлкведин, республикадин жуьреба-жуьре акъажунара, чемпионатра са шумуд сеферда гъилибвилер ва къвенквечи чкаяр къазанмишна.

Роберт Къазиагъмедован турнир

ФУТБОЛ

Хазран КЪАСУМОВ

Мукъвара Герейханован хуьруьн стадиондал, вичин пак буржи таммардайла игитвилелди телеф хъайи полициядин къуллугъчи, Виклгъвилай ордендин сагъиб Роберт Къазиагъмедован къамат рикел хуьнин лишан яз, футболдай 6-сеферда турнир киле фена. Ам ачухуниз талукъарнавай мярекатдал рахай Сулейман-Стальский райондин администрациядин килин 1-заместитель Лацис Оружева, общественный хатасузвал хуьнин рекъай райадминистрациядин килин заместитель Абулгалиб Фатулаева, Герейханован хуьруьн 1-нумрадин юкъван школадин директор Мадина Гъажимурадовади ва масабур Роберт Къазиагъмедован уьмуьрдин ва къуллугъдин рекъикай, адан къегъалвиледай суьгъбет-



на, турнирдин тешкилатчийриз ва спонсорриз чухсагъул малумарна.

Сифте юкъуз майдандиз Герейханован хуьруьн 1 ва 2-нумрайрин юкъван школайрин чхеи классрин 6 команда экъечина, абурун арада мини-футболдай акъажунар киле фена.

Гуьгуьннин йикъара и турнирдин сергъятда аваз Герейханован хуьруьн куьчейрин ва райондин

хуьрерин поселенийрин командайрин арада футболдай акъажунар давам хъхъана.

Турнирда 1, 2 ва 3-чкаяр къур командайриз грамотаяр, къиметлу пишкешар гана. Махсус пишкешриз турнирдин виридалайни хъсан спортсменарни лайихлу хъана.

Турнир "Райондин жегъилар террордиз акси я" лишандик кваз киле фена.

Table with 6 columns: ПЯТНИЦА, 2 ИЮНЯ; РГВК; ПЕРВЫЙ; РОССИЯ 1; НТВ; ДОМАШНИЙ; ТВ-ЦЕНТР; ЗВЕЗДА. Contains TV schedule for Friday, June 2nd.

Table with 6 columns: СУББОТА, 3 ИЮНЯ; РГВК; ПЕРВЫЙ; РОССИЯ 1; НТВ; ДОМАШНИЙ; ТВ-ЦЕНТР; ЗВЕЗДА. Contains TV schedule for Saturday, June 3rd.

Table with 6 columns: ВОСКРЕСЕНЬЕ, 4 ИЮНЯ; РГВК; ПЕРВЫЙ; РОССИЯ 1; НТВ; ДОМАШНИЙ; ТВ-ЦЕНТР; ЗВЕЗДА. Contains TV schedule for Sunday, June 4th.

Table with 6 columns: МАТЧ ТВ С 29 МАЯ ПО 4 ИЮНЯ; ПОНЕДЕЛЬНИК; ВТОРНИК; СРЕДА; ЧЕТВЕРГ; ПЯТНИЦА; СУББОТА; ВОСКРЕСЕНЬЕ; РАДИО. Contains sports and radio schedule.

Программа газурайди - Насима ВЕЛИБЕГОВА

